



Broj: 01-58/20
Vareš, 28.05. 2020. godine

Z A P I S N I K
sa 35. sjednice Općinskog vijeća Vareš,
održane 27.02. 2020. godine

Predsjedavajući OV pozdravio je sve prisutne.

Izvršena je prozivka vijećnika.

Prisutni vijećnici: Adis Čizmo, Ilhana Fatić, Nermin Hrvat, Emir Islamović, Kenan Kamenjaš, Demo Kevrić, Lidiya Miletović Berberović, Mario Mirčić, Anel Muftić, Nedžad Mušanović, Kruno Ridić, Branko Romić, Elvir Rožajac, Igor Šimić i Nikola Šimić.

Odsutni: Mirnes Ajanović, Dženan Džafo, Safeta Muftić i Fadila Turki.

Adis Čizmo – predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 35. sjednicu s početkom u 15,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnik načelnika – gosp. Ermin Musa, rukovodilac JURA - gosp. Rusmir Berberović, gosp. Damir Arnautović, predsjednici političkih partija i predstavnici medija.

Sekretar OV Leon Pavlović izvijestio je Vijeće o odgovorima na postavljena vijećnička pitanja sa 34. sjednice OV održane 27.02.2020. godine i realizaciji Zaključka. Na 34. sjednici donesena su dva (2) zaključka. Jedan (1) je realizovan a jedan (1) je u toku realizacije. Postavljeno je trinaest (13) vijećničkih pitanja. Na jedanaest (11) pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja. Na dva (2) pitanja nije odgovoreno.

Općinski načelnik Zdravko Marošević za današnju sjednicu u svom obraćanju o aktualnim pitanjima nije imao obraćanje. Izjavio je da će u toku sjednice kroz rasprave informisati Vijeće o aktuelnim pitanjima.

(Vijećnička pitanja)

Elvir Rožajac

1. Zbog velikog broja upita od strane građana, postavio bi pitanje. Zašto se u ovom periodu kroz grad sipa šljaka? Grad je toliko prljav. Moramo poduzeti nešto po pitanju firme koja održava cestu kroz grad. Trebao bi se posipati propisno materijal kroz grad, jer znamo da je šljaka pored svega i kancerogena. Možemo li poduzeti nešto po tom pitanju.
2. Prilikom pripremanja Izvještaja Doma zdravlja, vezano za stanje Doma zdravlja i ambulanti u MZ. Obišli smo terenske ambulante. Terenska ambulanta u Vijaci, stara ambulanta, izgrađena je davno, propala je i prokišnjava. Da li postoji mogućnost premještaja ili izgradnje nove ambulante?

Kruno Ridić

3. Zamoljen sam od stanovnika MZ Pogar, MZ Strica, MZ Zaruđe i MZ Duboštica da postavim ovo pitanje načelniku. Prošle godine imali smo Program obnove i rekonstrukcije putne infrastrukture u MZ Pogar, MZ Strica i MZ Zaruđe. Kada će biti realizovani ovi projekti, da ne dozvolimo da se sa njima kasni da ih ostavljamo za kraj godine. Njih posebno brine da su sredstva namijenjena za ovu svrhu, usmjerena u neke druge namjere.
4. Općini Vareš dostavljena su u prošloj godini sredstva za modernizaciju, obnovu industrijskih zona. Ja tražim i molim nadležne da nas pismeno kao Klub vijećnika DF obavijesti da li su utrošena ta ista sredstva. Ako su, utrošena u koju namjenu su utrošena? Molimo pismenu informaciju.

Branko Romić

5. Moje pitanje je već postavljano na ranijim sjednicama OV. Problem koji i dalje traje. Naime, stanovnici MZ Pržići su inicirali ovo pitanje. Tiče se blokade puta od strane jednog od mještana, koji ne dozvoljava prolaz. Ne dozvoljava grtalici za čišćenje snijega, blokira i odvoz smeća kao i prilazak kontejnerima. Put prema Željezari opet je blokiran snijegom, zbog neprimjerenog čišćenja službi. (dao je pojašnjenje)
6. Može li se razraditi varijanta da se kontejneri za smeće koji su na trotoaru i koji nisu pokriveni zaštitnom korpom izmjestite na neku drugu lokaciju, jer ne daju ni malo lijep izgled gradu i smetaju pješacima, jer se nalaze na trotoarima?

Đemo Kevrić

7. Može li se uraditi i dostaviti vijećnicima informacija o obavezama po osnovu naknade za građevinsko zemljište, svih privrednih subjekata i fizičkih lica. Da vidimo kolika su njihova zaduženja bila, zaključno sa 31.12.2019.godine.

8. Postoji li mogućnost obnove Domova kulture u MZ. Neke MZ nemaju prostore. Ako je moguće usredsrediti minimalna novčana sredstva da se opreme Domovi kulture?

Općinski načelnik dao je usmene odgovore na postavljena vijećnička pitanja na samoj sjednici.

Zamjenik predsjedavajućeg preuzeo je vođenje sjednice.

Zamjenik predsjedavajućeg OV stavio je na raspravu Zapisnik sa 34. sjednice OV.

Nije bilo primjedbi i zamjenik predsjedavajućeg OV stavio je na izjašnjavanje Zapisnik sa **34.** sjednice OV i nakon izjašnjavanja vijećnika konstatuje da je **jednoglasno sa (14 glasova „ZA“)** (odsutan predsjedavajući Adis Čizmo) **usvojen Zapisnik sa 34. sjednice OV.**

Zamjenik predsjedavajućeg OV stavio je na raspravu prijedlog dnevnog reda za 35. sjednicu OV koji je usaglašen na Kolegiju Općinskog vijeća.

Nije bilo rasprave i zamjenik predsjedavajućeg OV stavio je na izjašnjavanje prijedlog dnevnog reda 35. sjednice OV.

Nakon izjašnjavanja vijećnika zamjenik predsjedavajućeg OV konstatuje da je **jednoglasno sa (14 glasova „ZA“)** (odsutan predsjedavajući Adis Čizmo) **usvojen sljedeći**

Dnevni red

1. Izvještaj o radu Općinskog pravobranilaštva Općine Vareš za 2019. godinu.
- Izvjestilac: Damir Arnautović.
2. Program rada Općinskog načelnika za 2020. godinu.
- Izvjestilac: Općinski načelnik.
3. Prijedlog Rješenja o utvrđivanju prava vlasništva na izgrađenom građevinskom zemljištu u korist Kamenjaš Safeta sina Šabana iz Vareša, Pomenići bb.
- Izvjestilac: Ermin Musa
4. Prijedlog Rješenja o utvrđivanju prava vlasništva na izgrađenom građevinskom zemljištu u korist Zlobec Zlatka sina Ferde iz Vareša.
- Izvjestilac: Ermin Musa
5. Prijedlog Zaključka o davanju saglasnosti Općinskom načelniku na godišnji i srednjoročni plan potencijalnih projekata po modelu javno-privatnog partnerstva na području općine Vareš.
- Izvjestilac: Rusmir Berberović.

6. Prijedlog Programa rasporeda i utroška planiranih sredstava po osnovu posebne naknade za zaštitu od prirodnih i drugih nesreća u 2020. godini.
- Izvjestilac: Ibrahim Spahić.
7. Izvještaj o realizaciji Odluke općinskog fonda za vatrogastvo u 2019. godini.
- Izvjestilac: Ibrahim Spahić.
8. Izvještaj o provođenju Odluke o komunalnom redu Općine Vareš u 2019. godini.
- Izvjestilac: Ermin Musa.
9. Tekuća pitanja

Ad. 1.

*(Izvještaj o radu Općinskog pravobranilaštva
Općine Vareš za 2019. godinu.)*

Predlagač nije imao dodatno pojašnjenje.

Otvorena je rasprava u kojoj je učestvovao vijećnik Kruno Ridić koji je iznio svoje mišljenje.

Predsjedavajući OV preuzeo je vođenje sjednice.

Zaključena je rasprava i predsjedavajući OV stavio je na izjašnjanje Izvještaj o radu Općinskog pravobranilaštva Općine Vareš za 2019. godinu.

Nakon izjašnjanja vijećnika predsjedavajući OV konstatuje da je **jednoglasno sa (13 glasova „ZA“)** (odsutni vijećnici Kenan Kamenjaš i Igor Šimić) **usvojen**

***Izvještaj o radu Općinskog pravobranilaštva
Općine Vareš za 2019. godinu.***

Ad. 2.

(Program rada Općinskog načelnika za 2020. godinu.)

Predlagač nije imao dodatno pojašnjenje.

Otvorena je rasprava u kojoj je učestvovao vijećnik Kruno Ridić.

Zaključena je rasprava i predsjedavajući OV stavio je na izjašnjanje Program rada Općinskog načelnika za 2020. godinu.

Nakon izjašnjavanja vijećnika predsjedavajući OV konstatuje da je sa **12 glasova „ZA“ i 1 „SUZDRŽANIM“ glasom** (odsutni vijećnici Kenan Kamenjaš i Igor Šimić) **usvojen**

Program rada Općinskog načelnika za 2020. godinu.

Ad.3.

(Prijedlog Rješenja o utvrđivanju prava vlasništva na izgrađenom građevinskom zemljištu u korist Kamenjaš Safeta sina Šabana iz Vareša, Pomenići bb.)

Predlagač nije imao dodatno pojašnjenje.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o utvrđivanju prava vlasništva na izgrađenom građevinskom zemljištu u korist Kamenjaš Safeta sina Šabana iz Vareša, Pomenići bb.

Nakon izjašnjavanja vijećnika predsjedavajući OV konstatuje da je **jednoglasno (sa 15 glasova „ZA“)** usvojeno

Rješenja o utvrđivanju prava vlasništva na izgrađenom građevinskom zemljištu u korist Kamenjaš Safeta sina Šabana iz Vareša, Pomenići bb.

Ad.4.

(Prijedlog Rješenja o utvrđivanju prava vlasništva na izgrađenom građevinskom zemljištu u korist Zlobec Zlatka sina Ferde iz Vareša.)

Predlagač nije imao dodatno pojašnjenje.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o utvrđivanju prava vlasništva na izgrađenom građevinskom zemljištu u korist Zlobec Zlatka sina Ferde iz Vareša.

Nakon izjašnjavanja vijećnika predsjedavajući OV konstatuje da je **jednoglasno (sa 15 glasova „ZA“)** usvojeno

Rješenje o utvrđivanju prava vlasništva na izgrađenom građevinskom zemljištu u korist Zlobec Zlatka sina Ferde iz Vareša.

Ad.5.

(Prijedlog Zaključka o davanju saglasnosti Općinskom načelniku na godišnji i srednjoročni plan potencijalnih projekata po modelu javno-privatnog partnerstva na području općine Vareš.)

Predlagač nije imao dodatno pojašnjenje.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Zaključka o davanju saglasnosti Općinskom načelniku na godišnji i srednjoročni plan potencijalnih projekata po modelu javno-privatnog partnerstva na području općine Vareš.

Nakon izjašnjavanja vijećnika predsjedavajući OV konstatuje da je **jednoglasno (sa 15 glasova „ZA“) usvojen**

Zaključak o davanju suglasnost Općinskom načelniku na godišnji i srednjoročni plan potencijalnih projekata po modelu javno-privatnog partnerstva na području općine Vareš.

Ad.6.

(Prijedlog Programa rasporeda i utroška planiranih sredstava po osnovu posebne naknade za zaštitu od prirodnih i drugih nesreća u 2020. godini.)

Predlagač nije imao dodatno pojašnjenje.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Programa rasporeda utroška planiranih sredstava po osnovu posebne naknade za zaštitu od prirodnih i drugih nesreća u 2020. godini.

Nakon izjašnjavanja vijećnika predsjedavajući OV konstatuje da je **jednoglasno (sa 15 „ZA“) usvojen**

Program rasporeda i utroška planiranih sredstava po osnovu posebne naknade za zaštitu od prirodnih i drugih nesreća u 2020. godini.

Ad.7.

(Izveštaj o realizaciji Odluke općinskog fonda za vatrogastvo u 2019. godini.)

Predlagač nije imao dodatno pojašnjenje.

Otvorena je rasprava u kojoj su učestvovali vijećnik Kruno Riđić i Općinski načelnik Zdravko Marošević koji je dao dodatno pojašnjenje u vezi troškova ulaganja u Civilnu zaštitu, odnosno PVJ.

Zaključena je rasprava i predsjedavajući OV stavio je na izjašnjanje Izvještaj o realizaciji Odluke općinskog fonda za vatrogastvo u 2019. godini.

Nakon izjašnjanja vijećnika predsjedavajući OV konstatuje da je **jednoglasno sa (15 glasova „ZA“)** usvojen

Izvještaj o realizaciji Odluke općinskog fonda za vatrogastvo u 2019. godini.

Ad.8.

(Izvještaj o provođenju Odluke o komunalnom redu Općine Vareš u 2019. godini.)

Predlagatelj nije imao dodatno pojašnjenje.

Otvorena je rasprava u kojoj su učestvovali vijećnik Kruno Riđić i Općinski načelnik Zdravko Marošević koji je iznio svoje mišljenje u vezi infrastrukture, uređenja zelenih površina, dječijih igrališta, lokacija gdje su smješteni kontejneri i nedostatku istih u pojedinim mjesnim zajednicama i slično.

Zaključena je rasprava i predsjedavajući OV stavio je na izjašnjanje Izvještaj o provođenju Odluke o komunalnom redu Općine Vareš u 2019. godini.

Nakon izjašnjanja vijećnika predsjedavajući OV konstatuje da je **jednoglasno sa (14 glasova „ZA“)** (odsutna vijećnica Ilhana Fatić) **usvojen**

Izvještaj o provođenju Odluke o komunalnom redu Općine Vareš u 2019. godini.

Ad.9.

(Tekuća pitanja.)

Predsjedavajući OV upoznao je prisutne sa pristiglom poštom:

1. Inicijativa za dobivanje saglasnosti od OV vezano za izgradnju i postavljanje biste Josipa Broza Tita sa spomen parkom od 19.02. 2020. godine, dostavljena od UABNOR-a Vareš.

Predsjedavajući OV konstatuje da se gore navedena Inicijativa, u skladu sa članom 105. Poslovnika o radu Općinskog vijeća, upućuje Općinskom načelniku da se o istoj očituje u roku od 15 dana.

Općinski načelnik Zdravko Marošević u svom obraćanju podsjetio je da je ranije dostavljen isti Zahtjev i on je aktivan. Isti će se razmotriti, ima još spomenika koje treba napraviti ili popraviti. O istom je dao pojašnjenje.

2. Dopis-Molba, apel za saradnju u vezi rješavanja ekonomskih problema izazvanih povećanim brojem migranata, broj: 06-50-1057/20 od 29.01.2020. godine, dostavljen od Ministarstva sigurnosti.

Općinski načelnik iznio je svoje mišljenje u vezi nastale situacije sa migrantskom krizom i u svom obraćanju izjavio da je i Općina Vareš sprema pomoći kada se i ostale Općine uključe. O istom je dao pojašnjenje.

3. Zahtjev za rješavanje pristupa parceli od 14.02.2020. godine dostavljen od Kamenjaš Jakuba iz Dabravina, Vareš.

Predsjedavajući OV izvijestio je prisutne da je sa Zahtjevom upoznat Kolegij OV i isti je dostavljen nadležnoj Službi na daljnje postupanje.

Općinski načelnik izjavio je da nadležna Služba ima obavezu da urbanistički jedan dio naseljenog mjesta, mora rješavati u kompletu. O istom je dao pojašnjenje.

Predsjedavajući OV uputio je čestitke za 1. mart – Dan nezavisnosti BiH.

Sastavni dio ovog Zapisnika je audio zapis sjednice.

Sjednica je završena u 17,20 sati.

SEKRETAR

Leon Pavlović

ZAPISNIČAR

Azra Pijadžer

***PREDSJEDAVALAČI
OPĆINSKOG VIJEĆA***

Adis Čizmo